



Број/Број: 01/6а-50-3-6-4/11

Сарајево/Sarajevo, 22.11.2011.

IZVJEŠTAJ

s Konferencije o temi „Povećanje učešća žena u politici“

U organizaciji Komisije za ostvarivanje ravnopravnosti spolova Predstavničkog doma PSBiH i u saradnji s Agencijom za ravnopravnost spolova BiH pri Ministarstvu za ljudska prava i izbjeglice BiH, uz podršku OSCE-a/ODIHR-a – Ureda za demokratske institucije i ljudska prava i Misije OSCE-a u BiH, 22.11.2011., u zgradi PSBiH održana je Konferencija o temi „Povećanje učešća žena u politici“.

Cilj Konferencije bio je, uz učešće predstavnika državnih i entitetskih institucija, međunarodnih i nevladinih organizacija, pokušati ukazati na razloge nedovoljnog učešća žena u zakonodavnoj i izvršnoj vlasti, kao i u tijelima političkih stranaka, te odgovoriti na moguće načine usaglašavanja izbornog zakonodavstva u BiH sa Zakonom o ravnopravnosti spolova u BiH.

Konferenciji su, osim organizatora i partnera, prisustvovali i predstavnici komisija za jednakopravnost spolova oba doma Parlamenta FBiH, članice Parlamenta FBiH, Skupštine Brčko Distrikta BiH, Gender centra FBiH, UNDP, UN Women, nekoliko ambasada, kao i NVO „Vesta“ Tuzla, „Udružene žene“ Banja Luka i „Žena BiH“ Mostar.

Uvodničarke na Konferenciji bile su: Samra Filipović-Hadžiabdić, direktorica Agencije za ravnopravnost spolova BiH (Pregled stanja u BiH), Božica Ban, generalni sekretar Sekretarijata Centralne izborne komisije BiH (Žene u izborima 2010.), Ajla van Heel, OSCE/ODIHR, savjetnica za rodnu ravnopravnost (Ravnopravnost spolova na izabranim funkcijama: Akcioni plan u šest koraka) i Sonja Lokar, izvršna direktorica Evropske mreže za jednakost spolova, predsjedavajuća Radne grupe za jednakost spolova u okviru Pakta stabilnosti (Uloga političkih stranaka u promoviranju učešća žena u politici).

Svoje iskustvo o temi Interna regulacija i iskustva u političkim strankama prezentirale su Nermina Zaimović – Uzunović (SDPBiH) i Vesna Krstović – Spremo (PDP), poslanice u Predstavničkom domu PSBiH i članice ove komisije, kao i Katica Čerkez (HDZBiH),

poslanica u Predstavničkom domu Parlamenta FBiH i članica Komisije za jednakopravnost spolova Predstavničkog doma Parlamenta FBiH.

Moderatorice Konferencije bile su Ismeta Dervoz, prva zamjenica predsjedavajućeg ove komisije, i Samra Filipović-Hadžiabdić, direktorica Agencije za ravnopravnost spolova BiH.

Predsjedavajući Komisije za ostvarivanje ravnopravnosti spolova Niko Lozančić je, otvarajući skup, naglasio da Konferencija predstavlja realiziranje obaveze koja je za gender institucionalne mehanizme utvrđena Akcionim planom za provođenje Preporuke Rezolucije 1325 UN-a – žene, mir, sigurnost, a odnosi se na provođenje Preporuke (2003)3 Vijeća Evrope o postizanju učešća 40 procenata žena u procesima donošenja odluka.

Predstavnica OSCE-a konstatairala je da, ako se ovakvim tempom nastavi uspostavljanje ravnopravnosti spolova, tek za 50 godina može se očekivati ravnopravna zastupljenost žena i muškaraca u političkom životu u zemljama članicama OSCE-a.

Imajući u vidu tu konstataciju, kao i sve što je rečeno u izlaganjima i kasnije u raspravi na kraju obje sesije, učesnici Konferencije usvojili su sljedeće

P R E P O R U K E

1. Neophodno je nastaviti usklađivanje zakona na svim nivoima vlasti u BiH sa Zakonom o ravnopravnosti spolova u BiH, te uspostaviti mehanizame za povećanje broja žena u zakonodavnoj i izvršnoj vlasti kroz izmjene izbornog i zakonodavstva kojim se regulira uspostavljanje organa izvršne vlasti;
2. Neophodno je donijeti novi zakon o političkim strankama kojim bi se stranke obavezale da u statutima utvrde princip i mehanizme ravnopravne zastupljenosti spolova u stranačkim tijelima i na izbornim listama, u skladu sa Zakonom o ravnopravnosti spolova;
3. Potrebno je insistirati na adekvatnom uključivanju žena u delegacijama koje učestvuju u pregovorima o političkoj sudbini BiH kao i u ostalim delegacijama;
4. Regulatorna agencija za komunikacije BiH treba pravilima za medijsko predstavljanje kandidata tokom izbornih kampanja da uredi i kontrolira ravnopravno predstavljanje muških i ženskih kandidata;
5. Poziva se Centralna izborna komisija BiH, da prilikom izbora kandidata za Vijeće ministara BiH, upozorava političke stranke na obaveze koje se odnose na ravnopravnu zastupljenost spolova, utvrđenu Zakonom;

6. Poziva se Skupština Brčko Distrikta BiH na uspostavljanje gender institucionalnih mehanizama u zakonodavnoj i izvršnoj vlasti;
7. Gender senzitivan jezik je važan faktor u uspostavljanju rodne ravnopravnosti pa je neophodno insistirati na njegovoj dosljednoj primjeni;
8. Učesnici Konferencije odlučni su da usvojene preporuke primjene u svom radu.

SEKRETAR KOMISIJE

Davorin Semenik

Dostaviti:

- naslovu
- arhivi Komisije
- a/a